



TOSHKENT DAVLAT YURIDIK UNIVERSITETI REKTORINING B U Y R U G ' I

29.03.2023

182-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Xususan, 2023-yil 23-mart kuni Jinoiy odil sudlov fakulteti talabalarining Odob-axloq kodeksi qoidalariga rioya qilish holati o'rganilganda 3-kurs talabasi Elmurodov Jonibek Odiljon o'g'li garchi universitet Odob-axloq kodeksi bilan tanishtirilgan hamda universitet hududiga soqoli olinmagan va kiyinish talabiga rioya qilmagan holatda kelmasligi to'g'risida bir necha bor ogohlantirilgan bo'lsada, ushbu talaba dars mashg'ulotlariga soqoli olinmagan va kiyinish talabiga rioya qilmagan holatda qatnab yurganligi aniqlangan.

Bundan tashqari, 2023-yil 23-mart kungi o'tkazilgan o'rganish davomida 3-kurs talabasi Kamolov Dilmurodjon Shavkatbek o'g'li garchi universitet Odob-axloq kodeksi bilan tanishtirilgan hamda universitet hududiga kiyinish qoidalariga rioya qilmagan holatda kelmasligi to'g'risida bir necha bor ogohlantirilgan bo'lsada, ushbu talaba dars mashg'ulotlariga belgilangan kiyinish talablariga rioya qilmagan holatda qatnab yurganligi aniqlangan.

Talaba J.Elmurodov o'zining xatti-harakatlari bilan Toshkent davlat yuridik universiteti Odob-axloq kodeksining 11-moddasi oltinchi xatboshisi (xodimlar, talabalar va doktorantlarning tashqi qiyofasi va kiyimlari ozoda, pokiza bo'lishi lozim) hamda 16-moddasi sakkizinchi xatboshisi (tashqi ko'rinishga va belgilangan etiket qoidalariga zid ravishda sochlari o'sgan, to'zg'igan, soqoli olinmagan va kiyinish talabiga rioya qilmagan holda kelish)da ko'rsatib o'tilgan qoidalarini qo'pol ravishda buzgan.

Talaba D.Kamolov o'zining xatti-harakatlari bilan Toshkent davlat yuridik universiteti Odob-axloq kodeksining 11-moddasi oltinchi xatboshisi (xodimlar, talabalar va doktorantlarning tashqi qiyofasi va kiyimlari ozoda, pokiza bo'lishi lozim) hamda 16-moddasi sakkizinchi xatboshisi (tashqi ko'rinishga va belgilangan etiket qoidalariga zid ravishda kiyinish talabiga rioya qilmagan holda

kelish)da ko'rsatib o'tilgan qoidalarini qo'pol ravishda buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003 yil 22 fevral,) 51-bandi va universitet rektorining 2021 yil 1 martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari) 54 va 83-bandlariga asosan hamda Jinoiy odil sudlov fakulteti dekani D.Kamalovning bildirgisiga muvofiq,

BUYURAMAN:

1. Universitetning Odob-axloq kodeksi qoidalarini buzganligi uchun Jinoiy odil sudlov fakulteti 3-kurs talabalari Elmurodov Jonibek Odiljon o'g'li va Kamolov Dilmurodjon Shavkatbek o'g'lilarga hayfsan intizomiy jazo chorasi qo'llanilsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarining shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):
mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarining shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



Kelishildi:

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



yuriskonsult

D.ALIBOYEV

